



Kinn kommune

*Folkehelseavdelinga - eit interkommunalt samarbeid  
Askvoll ◦ Bremanger ◦ Fjaler ◦ Hyllestad ◦ Høyanger  
Kinn ◦ Solund ◦ Stryn ◦ Sunnfjord*

# Årsrapport for Folkehelseavdelinga 2023



---

Postadr.:  
Kinn kommune  
Postboks 294  
6701 Måløy

Besøksadr.:  
Strandgata 30  
4. etg.

Telefon:  
57 75 60 00

E-post:  
[post@kinn.kommune.no](mailto:post@kinn.kommune.no)

## Innhold

1. Innleing .....	3
2. Organisasjonskart Kinn kommune .....	4
3. Økonomi.....	5
4. Kostnadsfordeling .....	6
5. Kompetanse.....	6
6. Miljøretta helsevern .....	7
6.1 Skular og barnehagar.....	7
6.2 Inneklima.....	7
6.3 Hud- og fotpleie, frisør, holtaking, piercing og tatovering .....	8
6.4 Badeanlegg, boblebad og badstu.....	8
6.5 Radon .....	8
6.6 Asylmottak .....	8
6.7 Forureining- og støy.....	8
6.8 Solarier .....	9
6.9 Kjøletårn etc, legionella .....	9
6.10 Campingplassar .....	10
6.11 Treningssenter/treningsstudio .....	10
7. Smittevern .....	10
7.1 Tuberkulosekontrollprogram.....	10
7.2 Smittevern- og pandemiplan .....	10
8. Folkehelse/samfunnsmedisin .....	10
9. Plan for 2024 .....	11

## 1. Innleiing

Føremålet med folkehelselova er å bidra til ei samfunnsutvikling som fremjar folkehelse og utjamnar sosiale helseforskjellar. Folkehelsearbeidet skal fremje befolkninga si helse, trivsel, gode sosiale og miljømessige forhold og bidra til å førebygge psykisk og somatisk sjukdom, skade eller lidning. Lova skal sikre at kommunar, fylkeskommunar og statlege helsemynde set i verk tiltak og samordnar si verksemd i folkehelsearbeidet på ein forsvarleg måte. Lova skal legge til rette for eit langsiktig og systematisk folkehelsearbeid.

Flora kommune (Kinn kommune frå 01.01.20) har frå 01.01.13 vore vertskommune for eit interkommunalt samarbeid om miljøretta helsevern, smittevern og samfunnsmedisinsk rådgjeving/folkehelse. Arbeidet vert utført av Folkehelseavdelinga i kommunedirektøren sin stab og har kontorplass på Rådhuset i Florø.

Etter kommunesamanslåingar i 2020 deltok sju kommunar i det interkommunale samarbeidet. Solund kommune kom med i 2021, og Hyllestad kommune i 2022. Det geografiske nedslagsfeltet for avdelinga er om lag som ved oppstart og gjeld 61000 innbyggjarar.

Folkehelseavdelinga og Kinn kommune vil takke for godt samarbeid i 2023.


Florø 19 mars 2024

Elisabeth Solheim  
Leiar Folkehelseavdelinga

## 2. Organisasjonskart Kinn kommune

Folkehelseavdelinga er organisert i Strategi og samordning i kommunedirektøren sin stab.

### Administrativ organisering



### 3. Økonomi

I tabellen viser vi årsresultat for avdelinga for 2023 som viser eit lite overskot på kr 295363,-.

Overskotet vert utbetalt til samarbeidskommunane i 2024.

Under post 17501 «Refusjon frå andre kommunar» ligg òg Kinn kommune sin andel med kr 795998,-.

Folkehelseavdelinga		Regnskap
10101 Fastløn		2 094 943
10109 Km-godtgjering - grunnlag skatt		926
10500 Anna løn og trekkpliktige godtgjeringar (tillitsvalgt, tolketj., omsorgsl. mm)		955
10507 Grunnlag skattetrekk telefon og parkering (har motpost 10509)		7686
10509 Motpost grunnlag skattetrekk telefon og parkering (motpost til 10507)		-7686
10992 Arbeidsgiveravgift ekstrasats		20862
10902 Pensjonsutgifter KLP		313000
10907 Kollektiv ulykkes-/gruppelivsforsikring		1325
10990 Arbeidsgiveravgift		357330
11001 Abonnement og faglitteratur		5446
11150 Matvarer		2145
11151 Beverting eigne tilsette og møter(uten mva)		10535
11201 Anna forbruksmateriell, råvarer og tenester		2556
11209 Hotellopphald tenestereise (utanom kurs og opplæring) (ikkje oppg.pl.)		25099
11502 Reiseutgifter og opphold ved kurs/opplæring (ikkje oppgavepl.) (ikkje tj.reise)		7918
11601 Køyregodtgjering tjenestereiser (oppg.pl.)		3776
11603 Diettgodtgjørelse/nattillegg tjenestereiser (oppg.pl.)		3288
11709 Reiseutgifter tenestereise (ikkje hotellopph. mv.), (ikke oppg. pl.) (jfr 11209)		35812
11852 Yrkesskadeborsikring		2237
11952 Kontingenter		6331
12001 IKT-utstyr		8197
12101 Leige, operasjonell leasing/kjøp av transportmidlar		870
13701 Praksiskompensasjon legar		339555
14291 Merverdiavgift med rett til kompensasjon		6301
<b>Sum utgifter</b>		<b>3249407</b>
17100 Sjukelønsrefusjon		-43490
17101 Refusjon fødselspermisjon		8601
17291 Kompensasjon for mva		-6301
17501 Refusjon frå andre kommuner	-3500000	-3503580
<b>Sum inntekter</b>	<b>-3500000</b>	<b>-3544770</b>
<b>Sum</b>	<b>-3500000</b>	<b>-295363</b>

#### 4. Kostnadsfordeling

Kostnadsfordelinga er uendra sidan 2020.

Refusjonskravet bygger på budsjett vedteke i Kinn kommune på bakgrunn av semje i kommunedirektørutvalet mellom deltakarkommunane. Bruttobudsjett er berekna til årleg kr. 3.500.000 for heile 2023. I tillegg nyttar vi sist oppdaterte befolkningstal. Dette gav ei slik fordeling av utgiftene for 2023:

Kommune	Folketal 2. kvartal 2023	30% fordelt likt mellom kommunane	70% etter folketal	Totalt
4602 Kinn	17199	116667	679331	<b>795998</b>
4636 Solund	764	116667	30177	<b>146843</b>
4636 Hyllestad	1279	116667	50518	<b>167185</b>
4638 Høyanger	3920	116667	154833	<b>271500</b>
4645 Askvoll	2967	116667	117191	<b>233858</b>
4646 Fjaler	2885	116667	113953	<b>230619</b>
4647 Sunnfjord	22297	116667	880693	<b>997360</b>
4648 Bremanger	3457	116667	136546	<b>253212</b>
4651 Stryn	7260	116667	286758	<b>403424</b>
	<b>62028</b>	<b>1050000</b>	<b>2450000</b>	<b>3500000</b>

#### 5. Kompetanse

Avdelinga hatt stor utskifting av personale i 2023, samt fleire permisjonar og to lengre sjukmeldingar. To tilsette har hatt seks månaders utdanningspermisjon. Ein medarbeidar slutta i oktober, i denne stillinga tilsette vi ein sjukepleiar som starta i februar 2024. På seinhausten hadde vi ein periode berre to personar i drift i tilsaman 70 % stilling. Den reduserte bemanninga har prega aktivitetsnivået i avdelinga, men vi har likevel greidd å behandle dei innkomne sakene.

Avdelinga har no til saman fire legar i avdelinga, tre er i gang med si vidareutdanning i samfunnsmedisin. Ein av legane er kommuneoverlege og spesialist i allmenntilleggsmedisin og samfunnsmedisin. To tilsette er sjukepleiarar med mastergrad og ulike vidareutdanningar.

Avdelinga har totalt 2,7 årsverk fordelt på to sjukepleiarar og fire legar. Det vert ikkje tilsett vikarar for tilsette som er i utdanning- og morspermisjon. Opplæring av vikarar vil bli så omfattande at det ikkje ville vere føremålstenleg for drifta av avdelinga.

Vi ser styrken i å ha fleire personar med ulik kompetanse, dette styrker fagmiljøet. Det er òg ein fordel at tilsette har andre kommunale stillingar. Vi vurderer at samansettinga i avdelinga dekkjer det nødvendige innanfor vårt ansvarsområde.

## **6. Miljøretta helsevern**

Miljøretta helsevern omfattar dei faktorar i miljøet som til ei kvar tid direkte eller indirekte kan ha innverknad på helse. Desse omfattar mellom anna biologiske, kjemiske, fysiske og sosiale miljøfaktorar. Folkehelseavdelinga har delegert mynde til å føre tilsyn og fatte vedtak om retting etter ei rekke føreskrifter. Dette gjeld både private og offentlege verksemder og omfattar støy, inneklima, luftkvalitet, stråling, forureining samt førebygging av ulukker og skader. I tillegg til sakshandsaming av enkeltsaker arbeider vi med informasjon og rådgjeving knytt til alle felt innan miljøretta helsevern.

Folkehelseavdelinga har i 2023 saksbehandla kommunedelplanar og mange reguleringsplanar. Avdelinga har òg delteke i møter kor plansaker vert diskutert og behandla. Det er enkelte kommunar som nyttar seg meir av vår kompetanse på området enn andre. Vi har utfordra kommunane om å invitere oss inn til faste møter for å bli tidleg orientert og involvert i saksbehandling i planoppstartsfasen. Dette har òg vore tema på kommunedirektørmøta. Vi har gjeve uttale på høyringar. Vi har gjeve uttale i plansaker i Askvoll, Sunnfjord, Stryn og Kinn kommune.

### **6.1 Skular og barnehagar**

Folkehelseavdelinga har gjennomført to tilsynsrundar på alle skulane og barnehagane i samarbeidskommunane. I løpet av april 2024 avsluttar vi tilsynsrunde tre. I 2023 har vi hatt tilsyn i Fjaler, Stryn og Askvoll kommunar.

Folkehelseavdelinga tilbyr seg å følgje opp tilsynsrundane med fagdagar. Fagdagan skal følgje tema og behov som vart teke opp i tilsyna og bidra til å auke kunnskapen om både miljøretta helsevern og helsefremjande arbeid.

Vi planlegg å oppretthalde frekvensen med tilsyn kvart fjerde år, vi ser det er behov for kunnskap på fagfeltet. Det vil òg alltid vere ei viss utskifting av leiarar og tilsette som treng informasjon. På denne måten ønskjer vi å bidra med vår kunnskap ut til kommunane slik at krava i føreskrifta vert stetta.

Folkehelseavdelinga vert godt mottekne på tilsyns- og godkjeningsrundane, men òg ved andre høve. Vi vert nytta meir no enn tidlegare når det gjeld plangodkjenningar av nybygg og rehabilitering. I 2023 har vi behandla fleire søknader om nybygg/rehabilitering av skule/barnehagar i ulike kommunar.

### **6.2 Inneklima**

Avdelinga gjev råd og rettleiing om innemiljøproblem knytt til fukt, varme, ventilasjon, lysforhold og materialbruk. Vi har tilsyn med røykebestemmelsar i bygg og serveringsstader som er offentleg tilgjengeleg. Inneklima har stor merksemd i arbeidet med tilsyn- og godkjenning av skular og barnehagar, og utfordringar kjem ofte fram i samband med desse tilsyna. Avdelinga tilbyr inneklimamålingar og har apparat som kommunane kan låne. Vi tilbyr òg lysmåling.

### **6.3 Hud- og fotpleie, frisør, holtaking, piercing og tatovering**

Kartlegging og oppfølging av verksemder som driv med holtaking/piercing, tatovering, hud og fotpleie, frisørar, samt solarier er eit kontinuerleg arbeid. Folkehelseavdelinga har per i dag oversikt over verksemdene som er omfatta av føreskrifta.-

Vi har behandla fleire søknader og meldingar i 2023. Det er godkjendte fire nye tatoveringsverksemder i 2023, alle desse har hatt tilsyn.

### **6.4 Badeanlegg, boblebad og badstu**

Kravet om tilfredsstillande helsemessige og hygieniske forhold er heimla i Folkehelselova / LOV 2011-06-24 nr.29 og i Forskrift for badeanlegg, bassengbad og badstu m.v / FOR 1996-06-13nr.592. Dette gjeld verksemder eller anlegg som er opne for offentlegheit og/eller utleige. Føreskrifta gjeld òg badstu sjølv om den ikkje er knytt til badeanlegg eller bassengbad.

Avdelinga har følgd opp ein kommune i samband med prøvetaking av badevatn.

### **6.5 Radon**

Avdelinga har gjeve informasjon og rettleiing i høve handtering av radonutfordringar i enkeltkommunar. Vi har òg nokre henvendelsar frå private.

Avdelinga har følgd opp arbeidet med skular og barnehagar si dokumentasjonsplikt i høve radonnivået som ein del av godkjenninga etter føreskrift om miljøretta helsevern. Dei einingane som ikkje har slik dokumentasjon har fått pålegg om å måle radon.

Radonførekomsten er generelt liten i vårt område, men nokre kommunar og områder har utfordringar der avbøtande tiltak må setjast i verk.

### **6.6 Asylmottak**

Asylmottak er meldepliktige verksemder etter føreskrift om miljøretta helsevern. Det er eitt asylmottak i vårt nedslagfelt, dette ligg i Florø.

### **6.7 Forureining- og støy.**

Folkehelseavdelinga bidreg med råd, rettleiing og eventuelle vedtak om retting vedrørande bygge- og anleggsstøy, støy frå tekniske installasjonar, bedrifter/industri, flystøy, fritids- og underholdningsstøy mm.

Støysaker er saker som har eit potensiale til å utvikle seg til konflikhtar mellom ulike interessegrupper og gjerne med store konsekvensar og kostnader for kommunen, bedrifter eller einskildpartar. Tidleg informasjon og rettleiing i desse sakene vil styrke kommunen si saksbehandling og er heimla som eit lovkrav. Difor ynskjer avdelinga å koplast på tidleg i plansaker der støy og anna forureining kan verte ei utfordring.

Vi har i 2023 gjeve uttale på reguleringsplanar, arealplanar, større kommunedelplanar og samfunnsplanar. Kommunane nyttar i større grad vår kompetanse i plansaker der mogleg helsepåverknad kan vere aktuelt. Nokre kommunar nyttar oss meir i slike saker enn andre.



Vi har behandla fleire klagesaker. Henvendelsar kjem oftast frå innbyggjarar som klagar på støy og problemstillingane er gjerne knytt til bustader som ligg nær næringsverksemd, utestader, hamner og industri. Støysaker er krevjande saker som tek lang tid og der det ofte er vanskeleg å komme til gode løysingar.

I 2023 starta vi arbeidet med å lage ein rettleiar for utearrangement i Kinn kommune som skal hjelpe arrangørar til enkel og lett tilgjengeleg informasjon om framgangsmåte i samband med arrangement. Rettleiaren vil bli tilgjengeleg for fleire kommunar når den er ferdigstilt.

### Forureining

Folkehelseavdelinga er delegert mynde etter delar av lov om forureining og om avfall. Vi kan føre tilsyn med verksemdar og gjev råd og rettleiing knytt til helserisikovurdering i høve:

- Drikkevassanlegg, kvalitet på badevatn, samt forhold i samband med utslepp og forureining av vatn og vassdrag
- Skadedyrkontroll
- Overvaking og målerapportering av helse- og miljøskadelege gassar og svevestøv.
- Informasjon, råd og rettleiing om grenseverdier, problemområder, status, planar og utvikling for luftkvalitet.
- Hygieniske forhold ved dyrehold i tettbygd strøk
- Hygieniske forhold i samband med renovasjon og avfallshandtering, kontroll med forsøpling bl.a. bilvrak.

I tillegg kartlegging av forureining i jord og byggegrunn, behandling av tiltaksplanar ved terrenginngrep på forureina grunn i henhold til Forureiningsføreskrifta kapittel 2.

I 2023 har Folkehelseavdelinga vore involvert i saker knytta til skadedyrførebygging og bekjemping.

## **6.8 Solarier**

Solarieverksemdar er meldepliktige og Folkehelseavdelinga har oversikt over solsenter og verksemdar som tilbyr solarium.

Folkehelseavdelinga vidareformidlar informasjon frå Direktoratet for strålevern og atomsikkerhet DSA (tidlegare Statens strålevern), og følg opp tilsynskampanjar som vert initiert av dei.

## **6.9 Kjøletårn etc, legionella**

Folkehelseavdelinga har ansvar for å halde oversikt og innhente opplysningar om alle meldepliktige verksemdar i vårt område. Dette gjeld verksemdar som direkte eller indirekte kan spreie legionellaforureina aerosol til omgjevnadane, utandørs eller innandørs etter "*Forskrift om miljørettet helsevern*". Folkehelseinstituttet har frå 01.01.24 overteke ansvaret for rettleiing i høve legionella. <https://www.fhi.no/ss/veiledere/legionellaveilederen/?term=> Det er gjort ei kartlegging av alle aktuelle verksemdar og fulgt opp med informasjon om meldeplikt og krav om sertifisering hos eit akkreditert tilsynsorgan. Legionellaførebygging er tema på tilsyna i skular og barnehagar.

Vi har behandla ei sak om leigionellaforureining i 2023.

## **6.10 Campingplassar**

Campingplassar, vandreheimar og andre liknande verksemdar som tilbyr overnatting har meldeplikt til kommunen etter føreskrift om miljøretta helsevern. Folkehelseavdelinga har frå tidlegare oversikt over verksemdar i alle kommunane.

## **6.11 Treningscenter/treningsstudio**

Treningscenter har meldeplikt til kommunen etter føreskrift om miljøretta helsevern. Det har ikkje vore tilsyn på treningscenter i 2023, men vi erfarer eit auka fokus på generelle rengjeringsrutinar og handvaskrutinar.

## **7. Smittevern**

Folkehelseavdelinga har ansvar for å hjelpe kommunane med det overordna smittevernarbeidet, rettleiing og informasjon i arbeidet med planar og rutiner. Avdelinga har sidan oppstart hatt fokus på dei daglege smittevernrutinane i arbeidet med tilsyn- og godkjenning av skular og barnehagar. Informasjon og rettleiing om generell smitteførebygging har vore vektlagt. Vi erfarer at tilsette og foreldre har blitt betre på handvaskrutinar og fleire barnehageleiarar melder om færre sjukdomsutbrot enn tidlegare.

### **7.1 Tuberkulosekontrollprogram**

I 2022-2023 har straumen av flyktningar frå Ukraina ført til at Folkehelseinstituttet har endra på retningslinjene for kontrollprogrammet for tuberkulose i kommunane. Malen for tuberkulosekontroll er revidert i 2023, denne er enno ikkje publisert. Tuberkulosekontrollprogrammet blir ved behov gjennomgått med den einskilde kommune.

### **7.2 Smittevern- og pandemiplan**

Folkehelseavdelinga er tilgjengeleg for å rettleie kommunane om plan for smittevern og pandemi. Vi ser det hensiktsmessig at planane heng saman med kvar enkelt kommune, omliggande kommunar og Helse Førde sine samla beredskapsplanar.

For å lette på dette arbeidet har Folkehelseavdelinga tidlegare utarbeidd ein mal for kommunal smittevernplan som sist var oppdatert i 2019. Malen har vore tett knytt til smittevernboka til Folkehelseinstituttet. Folkehelseavdelinga har som mål å revidere mal for smittevern- og pandemiplan i samråd med regional nettverk for kommuneoverlegar.

## **8. Folkehelse/samfunnsmedisin**

Folkehelseavdelinga skal hjelpe kommunane med arbeid på områder som kommunane prioriterer for felles satsing innan folkehelse/samfunnsmedisinsk rådgjeving. Det kan innebere hjelp til å sette felles utfordringar på dagsorden og hjelpe kommunane med tiltak knytt til dette. Det kan t.d. skje ved informasjon/kurs om ulike folkehelsetiltak. Hjelp til arbeid med folkehelseoversikt og påverknadsfaktorar er eit anna viktig satsingsområde. Arbeidet må knytast opp til kommunane sine overordna planer og prosedyrar.

Folkehelseavdelinga er bedne om å ta eit særskilt ansvar for arbeidet med felles mal for folkehelseoversiktdokumentet. Malen, som vart ferdigstilt i 2015, er revidert fleire gonger, sist i 2023. I revisjonsarbeidet samlast samarbeidskommunane til ei grundigare analyse og vurdering av alle indikatorane. Møta blei avvikla som fysiske møter, men og samlingar på Teams. Andre kommunar i gamle Sogn og Fjordane fylke var òg invitert til å delta i arbeidet, det var berre Årdal kommune som deltok.

Malen er delt i felles kanal på Teams og gjort tilgjengeleg på [Folkehelseavdelinga.no](https://www.folkehelseavdelinga.no)

Kinn kommune har valt å nytte Framsikt som presentasjonsplattform [framsikt.kinn/samfunnsdelen](https://framsikt.kinn/samfunnsdelen). Dei fleste samarbeidskommunane nyttar no Framsikt, men malen vil likevel bli tilgjengeleg i eit format som alle kommunane kan nytte seg av.

Folkehelsekoordinatorar/rådgjevarar i samarbeidskommunane ønskjer å vidareutvikle arbeidet med folkehelseoversiktdokumentet, spesielt sjå på moglege løysingar for betre implementering av strategiske folkehelseiltak i samfunnsplanlegginga.

Kinn kommune er godkjend utdanningsverksemd for spesialisering av legar i samfunnsmedisin. Folkehelseavdelinga er ein viktig arena for denne utdanninga og bidreg med rekruttering av fleire samfunnsmedisinarar. Grunna stor utskifting av personale siste to år har avdelinga brukt mykje tid på kunnskapsheving og opplæring.

Felles kommunedirektørmøter er viktige arena for diskusjon om framdrift og satsingsområder i avdelinga og korleis arbeidet skal implementerast i kommunane. Det vart gjennomført eitt møte i 2023.

Folkehelseavdelinga ynskjer òg faste, årlege møter med leiargruppa ute i kommunane

## 9. Plan for 2024

- Avdelinga skal ferdigstille tilsynsrunde tre på skular og barnehagar i Høyanger kommune.
- Ajourføre og følgje opp avvik på skule og barnehagar.
- Tilby/ gjennomføre fag-/temadagar i kommunane som ei oppfølging av tilsyna på skular/barnehagar.
- Gjennomføre tilsyn på utvalde campingplassar
- Tilsyn på badeanlegg i Bremanger kommune
- Følgje opp arbeidet i det etablerte nettverk for folkehelsekoordinatorar i samarbeidskommunane med mål om å styrke det langsiktige, strategiske folkehelsearbeidet.
- Hjelp med implementering av folkehelseutfordringar i kommunale planar.
- Tilby undervisning, rettleiing og tilsyn på alle fagområda.
- Revidere mal for smittevernplan og pandemiplan.
- Gjennomføre leiarmøte i alle kommunane.